

Jém segunda carta jém ijáyayñewiip Pablo jém ityajwiip jém attebet Tesalónica

Jém Pablo con icompañeroyaj
ijáyay jém Dios ipixiñtam

1 Ich aPablo. Awagaiíta con
jém Silvano y Timoteo. Siip
manjáyaytámpa mimichítam
miíttanwiip jém attebet Tesalónica,
jém inçupicnetanwiip Jesucristo.
Mimichítam jém tanJatuñ Dios
mimiichítam y jém tánQmi
Jesucristo mimiichítam. ²Jém
tanJatuñ Dios y jém tánQmi
Jesucristo miwíwadaytámiñ
iga odoy iniidiñ jém cobacpiji
íñanamajom.

**Chiiñap castigo jém tánçaiywiip
cuando miñgacpa Cristo**

³Mantíwítam, wí iga tsam
anchiiba gracia tanJatuñ Dios
para mimichítam porque más
y más inçupictámpa jém Dios
inmají, más y más minitoyámtap
con jém inñíwítam. ⁴Siempre
mançujíptámpa cuando nicpa
anajmat jém Dios inmají tunjac
attebet. Annímáypa jém Dios
ipixiñtam iga tsam inwíwucupictámpa
jém Dios inmají. Da inñactámpa

jém Dios inmají cuando tsam
micpóyta y tsam miyaachwatta.
Tsam inñyaachíypa. ⁵Jesic wíquejpa
iga wíçipíñóypa Dios. Quejpatim
iga mimichítam miíttá juuts
wibic mipixiñ iga wiap inñigiyta
juñ injacpa Dios. Jeeyucmi siip
miyaachatámpa.

⁶Ijodon Dios iga wí iga
ichiiba castigo jém
mimalwadayñewiip. Iyaachwatpa
jém miyaachwatneyajwiip. ⁷Jesic
cuando miñgacpa yíp naxyucmi
jém tánQmi Jesús, tacjejtámpa
iga odoy más tayaachatámiñ.
Iwaganamiñpa jém sinyucmicpic
pixiñtam jém iniitwiip jém
Dios ipími. ⁸Inimiñpatim jém
sinyucmicpic jucti iga inooquetyajpa
jém dápic iixpicyajpa Dios, jém
dápic icupicyajpa jém wibic
anmají iga tánQmi Jesús
taciaputtamtooba. ⁹Chiiyajtap
castigo jém malopic pixiñtam,
actogoyyajtap para siempre. Da
wiap ityaj jém tánQmi iwiñjom
ni da wiap iixayyaj jém ipími.
¹⁰Jesic cuando miñgacpa yíp
naxyucmi jém tánQmi Jesús,

tsam iwixyaypa itumpiy jém ipixiñtam jém cuáyñewiip ianama, ipooñanjamyajpa jém icupicneyawiip jém Dios inmafi. Miiñtampatim mimichtam porque in cupicneta títam manañmadayfa.

¹¹Jeeyucmi siip anañwejpáttampa Dios iga michíyiñ juuts jém Dios mipixiñtam porque Dios micupin̄ta. Añwagáypatim Dios iga iccupaguiñ con ipimi juuts mimichtam inwianjamta y jém yoxacuy jém inwattampáppic porque in cupicneta Jesús. ¹²Jempigam tsam cujíptap jém tánQmi Jesucristo mimichtam in cuyucmi, y micujíptampañtam jém tánQmi porque tsam tatoypa tanJatuj Dios y tánQmi Jesús.

Tañmadaytap jutsap imiñ jém tánQmi

2 Siip, mantiwitam, manañmadáypa jutsap imiñgac yíp naxyucmi jém tánQmi Jesucristo y jutsap tanuumawatta jém tánQmi iwiñjom cuando miñgacpa. Mannímáypa, mantiwitam, ²siiga immatorjtampa iga núcneum jém jama iga miñgacpa jém tánQmi Jesús, odooy cupictaami, odooy anyáctaami. Siiga miñpa miñmadáy tum añmatciwiñ o tum pastor, odooy cupictaami. Siiga tum pixiñ miñmáypa iga jém Pablo ijáyáy tum toto iga núcneum jém jama cuando miñpa tánQmi, odooyim cupictaami. ³Odooy i mimigóyaytamiñ porque da miñgacpa yíp naxyucmi jém tánQmi Jesucristo hasta núcpa jém tiempo iga jém pixiñtam ichacyajpa jém Dios inquímayooyi, hasta que tsucumpa jém malopic anjagooyi,

jém ijóyixpáppic itumpiy jém wibic añquímayooyi, jém ipictsonpáppic jém mijpic castigo jém juctjom juñ da nunca píchpa. ⁴Yíp malopic añjagooyi tsucumpa en contra de Dios, jém ijisyajpáppic jém pixiñtam. Tsam nacujíptap iyaac. Nicpa coñi jém Dios imasticjom juuts tum dios. Nímanñaayap iga: Ich aDios.

⁵¿Que da inñispa iga manañmadáy yípyaj cosa cuando oy aiti con mimichtam? ⁶Mimichtam, inñjodon iapaap jém dapic ijícpa iga tsucumpa jém malopic añjagooyi antes que núcpa jém ijama. ⁷Siip itum jém malopic añjagooyi ipimi iga imalwatpa, pero añnécne, danam wiñquejne. Togoy no más iga accáytap jém dapic ijícpa iga tsucumpa. ⁸Jesic ocmi wiñquejpa jém malopic añjagooyi, pero tánQmi Jesucristo, cuando miñgacpa yíp naxyucmi, iccaaba con jém ipimi jém putpáppic ijipjom, ictogoypa jém malopic añjagooyi con jém ichoça. ⁹Cuando núcpa yíp malopic añjagooyi, iwatpatim juuts jém Wocciwiñ. Iniif itumpiy ipimi, wiap iwat jém señales y jém milagro iga imigóyayjpa jém pixiñtam. ¹⁰Iniifim itumpiy jém malopic jixi iga imigóyáypa jém pixiñtam jém togoyyajpaap. Togoyyajpa porque da icupicyaj jém numapic añmafi iga iciacputyajpa Dios. ¹¹Jeeyucmi Dios ijíc iga namigóyayyajtaiñ con jém malopic jixi iga icupicyajpa jém migooyi, ¹²iga chiiyajtap mijpic castigo itumpiy jém dapic icupicyajtooba jém numapic añmafi, jém aguipic iwianjamyaj iga imalwatyajpa.

Dios tacupiņneta iga taciacputtámpa

¹³Pero aichám tienes que siempre anchiifámpa gracia Dios por mimichám, mantiwitam, mifoytampáppic jém tánOmi, porque dende wiņigam Dios micupiņneta iga miciacputtámpa, iga jém Dios iAnama miccáyápa iñtánca porque iņcupicta jém numapic aņmafi. ¹⁴Jesic cuando oy manaņmadáy jém wibic aņmafi, Dios miņwejay iga miciacputtámpa iga miwagaittámpa siņyucmi con tánOmi Jesucristo.

¹⁵Jeeyucmi, mantiwitam, mannímaytámpa iga odoy tsactaami jém Dios iņmafi. Siempre jistaami jém aņquímayooyi, jém manaņmadayñewiip y jém manjáyayñewiip. ¹⁶Tsam tatoytámpa jém tanJatuņ Dios y jém tánOmi Jesucristo. Tsam tayaachaņjampa para siempre. Tachiifa jém jixi iga odoy ti taņciñiñ. Tacjodónata iga nicpa tajfi con Dios. ¹⁷Siip Dios micamawadaytámiñ iñanama, miyoxpáttámiñ iga wiap iņwatta jém wítampic cosa juuts ixunpa Dios iga ininmattámpa jém wítampic aņmafi.

Aņwejpaati Dios para aichám

3 Jesic, mantiwitam, aņwejpátaami Dios para aichám iga ayoxpáttámiñ Dios cuando anaņmattámpa jém wibic aņmafi iga más jicsciy núcpa jém Dios iņmafi juťquej. Wágaayi Dios iga ayoxpáttámiñ cuando anaņmattámpa jém wibic aņmafi iga jém pixiñtam iwipictsoņyajiñ

jém aņmafi juutsím mimichám iņwipictsoņneta. ²Wágayfaami Dios iga aciacputtámiñ de jém malopic pixiñtam y de jém tamalwadaypáppic. Porque da itumpiy pixiñtam icupicyajpa Dios. ³Pero jém tánOmi siempre iwatpa juuts tajycámayñe. Y jém tánOmi miyoxpáttámpa iga wiñiñ iņwatta juuts ixunpa Dios. Miwattámpa cuenta iga odoy i wiñiñ micmalwat. ⁴Anjodoņ iga iņwatneta juuts mannímayñeta y seguido iņwattámpa porque jém tánOmi miyoxpáttámpa. ⁵Siip ansunpa iga tánOmi Jesús miyoxpáttámiñ iga más iniidñ jém tanJatuņ Dios itóyooyi, iga wiñiñ iñyaachiyta juuts iyaachy jém tánOmi Cristo.

Wi iga tayoxap

⁶Siip, mantiwitam, mampiimíypa jém tánOmi Jesucristo iñiyimi, odoy aņpiitsi jém tantiwitam jém dapic yoxayajpa, jém dapic iwatyajpa juuts nimpa jém aņquímayooyi jém manchiñewiip. ⁷Cuando oy aifti con mimichám, da antsac anyoxacuy. Wi iga mimichám iņwattámiñtim juuts aichám. ⁸Cuando oy aifti con mimichám, da maņwágáy jém iņwíccuy, itumpiy manyojáy. Tsam pimi ayoxata tsuucim y siñni iga odoy maņwadaytámiñ molestia. ⁹Numa, wi idic iga michám anchiiba jém wíccuy porque oy manyoxpát, pero da aņwianjam iga ansaíypa jém wíccuy. Pimi ayoxata iga manaņquejayta iga jém Dios ipixiñtam tsam yoxayajpa. ¹⁰Cuando oy aifti con mimichám, manaņmadáy yip aņquímayooyi: Siiga da miyoxpap da miwícpa. ¹¹Ammatoņta iga algunos de mimichám da

miyoxatámpa. Tsam micuúñatámpa.

Tsam immoogíypa jém iñtíwítam.

¹²Siiga dá miyoxap, siip manañquímpa jém tánQmi Jesucristo iñiyimi, mannímáypa iga miyoxatámiñ iga iniíffámiñ títam iñcúttámpa.

¹³Mantíwítam, odoy sopstaami iga iñwíwattámpa. ¹⁴Siiga algun i dá icupicpa yíp añmafi, jém manjáyayñewiip, jesic xpiçi iapaap jém pxiñ, odoy añpiitsi iga tsaaiñ. ¹⁵Pero odoy jóyixtaami juuts tum enemigo, más nuumañquejaayi ti ixunpa Dios porque tantíwítim.

**Jém tánQmi Jesucristo
miwíwadaytámiñ**

¹⁶Jém tánQmi, jém iniíwiiip jém paz, michiífámiñ jém paz iga miwínanigayyajiñ jém iñtíwítam. Siip tánQmi miwaganaiíffámiñ iñtumpiytam.

¹⁷Ich aPablo. Siip manjáyáypa añçimi iga manañquímtámpa. Jesic quejpa iga ich mismo añwat yíp toto. Yíimpigam siempre anjaypa. ¹⁸Siip tánQmi Jesucristo miwíwadaytámiñ iñtumpiytam. Jemum cuyaj.